

OPĆINA DOBOJ ISTOK



*Smjernice za trogodišnje planiranje rada
Općine Doboj Istok za period 2025-2027*

Doboj Istok, oktobar 2024. godina

1. Uvod

Smjernice predstavljaju osnovu za planiranje rada općinskih službi za upravu u naredne tri godine, kako bi se na adekvatan način obuhvatili razvojni prioriteti koji su definisani Strategijom integriranog razvoja općine Doboj Istok za period 2021.-2027. godina, Okvirom za implementaciju ciljeva održivog razvoja u BiH, Strategijom razvoja Tuzlanskog kantona za period 2021-2027. i drugim relevantnim dokumentima. Smjernice imaju za cilj da potenciraju ključne aktivnosti koje je neophodno poduzeti u narednom planskom ciklusu, a koje imaju sinergijski efekat za više oblasti društveno-ekonomskog života općine Doboj Istok.

Uredbom su propisani minimalni elementi Smjernica, a iste se izrađuju svake godine za period od tri godine i pripremaju se u skladu sa strateškim dokumentima relevantnim za općinu Doboj Istok. Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama (vaninstitucionalnim akterima) kao vodilja za planiranje i implementaciju konkretnih projekata i aktivnosti u narednom trogodišnjem periodu.

Izrada Smjernica za trogodišnje planiranje rada općine Doboj Istok za **period 2025.-2027.** godine (u daljem tekstu: Smjernice) proizilazi kao obaveza iz člana 10. Uredbe o trogodišnjem i godišnjem planiranju rada, monitoringu i izvještavanju u Federaciji BiH („Službene novine Federacije BiH“ br. 74/19 i 2/21) **(u daljem tekstu: Uredba).**

Kratak osvrt na opšti razvojni kontekst općine Doboj Istok

Prema posljednjim objavljenim podacima Federalnog zavoda za programiranje razvoja općina Doboj Istok je prema indeksu razvijenosti rangirana na 40 mjestu u Federaciji BiH i na 7 mjestu u TK. Na području općine Doboj Istok, živi 9.656 stanovnika¹ (procjena sredinom godine), od čega je na teritoriji općine Doboj Istok zaposleno 1937 radnika a ukupan broj zaposlenih na općini i van općine je 2667 radnika, dok je na evidenciji 1.686 nezaposlenih što je manje u odnosu na 2022 godinu za 5,44%. Od ukupnog broja stanovnika 6.715 je radno sposobno stanovništvo što u procentima iznosi 69,50%. Prosječna neto plata je 839 KM. Porazavajuća je činjenica da je i u 2023 godini broj umrlih (108) veći od broja rođenih (70) za 38 osoba. Broj zaključenih brakova je 69 a broj razvedenih brakova je 7. Ukupan broj penzionera u općini Doboj Istok je 1.618 a ukupan iznos penzija je 836.850 KM na godišnjem nivou. Upoređujući općinu u pogledu vitalnih makro indikatora sa prosjekom u FBiH može se zaključiti solidan napredak u svim segmentima razvoja.

Ključne promjene makro indikatora u 2023 godini (u odnosu na 2022 godinu) ukazuju na povećanje ukupne zaposlenosti za 1,45% (2667-2629) i to kod pravnih lica (doo, dd, jp) povećanje zaposlenosti za 2,87%, dok je evidentirano smanjenje zaposlenosti kod kod samostalnih radnji 1,6% ili u nominalnom iznosu za 6 radnika, vanprivreda je ostala na prošlogodišnjem nivou. Također, prema izvještaju porezne uprave Doboj Istok evidentiran je i porast ukupnog broja privrednih subjekata (pravna i fizička lica) za 19 privrednih subjekata (310-291) upoređujući 2023 i 2022 godinu. Nadalje evidentan je solidan rast ukupnih prihoda od 5,41% upoređujući 2023 i 2022 godinu, kao i rast prosječnih plata za 12,62 %. Prema bilansima stanja naših preduzeća evidentirano je i blago smanjenje imovine naših firmi za 1,11% u odnosu na 2022 godinu. Prema podacima Vanjsko trgovinske komore FBiH u 2023. godini bilježimo pad

¹(Izvor: Zavod za programiranje razvoja u FBiH-„Socioekonomski pokazatelji po općinama u FBiH u 2023 godini“)

izvoza za 3,69% i rast uvoza za 6,72% u odnosu na 2022. godinu. Pokrivenost uvoza izvozom je 56,31%, što je niže u odnosu na prosjek Federacije BiH (56,57%). Broj učenika u osnovnim školama smanjio se za 25 učenika (862-887) ili 2,82% i na hiljadu stanovnika iznosi 89 učenika, što je više od prosjeka u TK (81) i od prosjeka FBIH (78). Broj učenika u srednjim školama smanjio se za 22 učenika (266-288) ili za 7,64% i na hiljadu stanovnika iznosi 28 učenik, što je nešto manje od prosjeka u TK (33) i prosjeka u FBIH (33). Prema izvještaju općinskog Doma zdravlja angažovano je 11 ljekara što iznosi 1,13 na 1000 stanovnika. Prema izvještaju Statističkog zavoda FBiH u općini Doboj Istok je registrovano ukupno 3.802 cestovnih motornih vozila a od toga je 38 motocikala, 3.058 putničkih auta, 12 autobusa, 641 teretnih motornih vozila i 53 ostalih vozila.

Prema novoj Metodologiji za izračun Indexa razvijenosti općina Doboj Istok je rangirana na 40. mjestu u Federaciji BiH i 7. mjesto u Tuzlanskom kantonu, sa indeksom razvijenosti 0,80 i time kao III grupa spada u red srednje razvijenih općina u FBiH (Izvor: socioekonomski pokazatelji po općinama za 2023. godinu od Federalnog zavoda za programiranje).

U nastavku je dat tabelaran prikaz makropokazatelja za polaznu 2016 i izvještajnu 2023 godinu . Popunjene su kolone za koje se moglo doći do podataka:

OSNOVNI INDIKATORI RAZVOJA	Indikator	Polazno stanje			Izvještajna godina			Prosjek Kantona TK**		
		2016			2023**			2023 -1		
		Ukupno	M	Ž	Ukupno	M	Ž	Ukupno	M	Ž
Stanovništvo	broj	10.105			9.656			430.571		
Zaposlenih stanovnika	broj	1.751			1.937 na općini a ukupno 2667			103.809		
	%	17,3%			69,502% na radno sposobno stanovn (6715).			68,60 radno sposobnog stanovništva(295.325)		
Nezaposlenih stanovnika	Broj	2.274			1.783	616	1.167	66.161	23.836	42.325
	%	22,5%			26,55% na radno sposobno stan.			22,40%		
Bruto domaći proizvod	iznos	587.000			2.291.940 prihodi od poreza na dohodak u KM			123.917.664		
	po glavi	58			237			288		
Investicije na teritoriji JLS	iznos				68.169.601					
Broj preduzeća/1000 stanovnika	omjer	26			(Ukupno 310 firma a stvarno 32,10 na 1000 stanovn			65,40		

Prosječna neto plaća u KM	iznos	532		839		1.161		
Broj učenika osnovnih i srednjih škola na hiljadu stanovnika	broj	132,01		117 učenika na 1000 stanovnika		1145		
Socijalni transferi po glavi stanovnika	po glavi	122 KM		170,00 KM				
Broj ljekara/1000 stanovnika	omjer	0,79		1,13		2,92		
Iznos realiziranih sredstava za prioritete iz razvojne strategije	iznos	1.014.649		2.293.995				
DOPUNSKI INDIKATORI RAZVOJA*								
Udio realiziranih kapitalnih investicija u budžetu JLS	omjer	92.358 ili 9%		612.795,4 0 ili 26,71%				
Poljoprivrednih gazdinstava/1000 stanovnika	omjer	624 ili 61,75/10 00		796 ukupno, 755 RPG+41 poljop. obrt ili 82,43%				
Broj korisnika socijalne pomoći/1000 stanovnika	omjer	90 ili 8,91 na hiljadu		79 ili 8,18/1000				
Zdravstveno osiguranih lica u odnosu na ukupno stanovništvo	omjer	95%		Svi građani su zdravstveno osigurani				
Broj aktivnih članova u institucijama kulture	broj	140		165				
Broj aktivnih članova u sportskim institucijama	broj	430		450				
Pokrivenost domaćinstava sa pristupom kontrolisanoj vodi za piće	procenat	90		100%				
Pokrivenost domaćinstava odvozom krutog otpada	procenat	75		80%				
Broj naseljenih mjesta bez asfaltirane putne komunikacije	broj	0		0				
Broj domaćinstava bez pristupa električnoj energiji	broj	0		0				
Emisija CO2 po glavi stanovnika	tona							

*Dopunski indikatori razvoja su funkciji praćenja ostvarenja strateških ciljeva/fokusa.

** Za one makro indikatore za koje nisu dostupni podaci za izvještajnu godinu uključuju se podaci za zadnju dostupnu godinu, a u tom slučaju se trebaju naglasiti umetanjem oznake „(+“ u koloni „indikator“, npr. „broj (+)“).

Pregled stanja i kretanja u ekonomiji

Privredu općine Doboj Istok predstavljaju mala i srednja preduzeća osnovana kao društva sa ograničenom odgovornošću, pretežno u privatnom vlasništvu sa raznovrsnim oblicima privredne djelatnosti, kao i fizička lica koja samostalno obavljaju neku od privrednih djelatnosti. Mala i srednja preduzeća predstavljaju osnovni generator razvoja naše lokalne zajednice, glavni su izvor zapošljavanja. Inovativnosti, dinamičnosti, kontinuiteta i rasta, učinkovitosti i socijalne sigurnosti, potiču domaću proizvodnju, izvoz i stvaraju povoljnu poduzetničku klimu.

U općinskom registru privrednih subjekata registrovana su preduzeća iz oblasti poljoprivrede, prerađivačke industrije, snadbjevanja vodom, trgovine, građevinarstva, saobraćaja, zdravstva, i zanatstva.

Prema podacima Porezne uprave i prema registrima samostalnih privrednika općinske službe za poduzetništvo i financije u općini Doboj Istok je registrovano ukupno 310 privrednih subjekata od čega: javnih preduzeća 2, specijaliziranih zadruga 1, privatnih preduzeća 113, i 194 samostalnih radnji. Od ukupnog broja registrovanih preduzeća (pravna lica 113), oko 15 preduzeća nakon postupka likvidacije nisu izvršili brisanje subjekata iz evidencije Porezne uprave. Prema zvaničnim podacima FIA (Finansijsko informatička agencija) iz Sarajeva ukupno je obrađeno 93 aktivnih privrednih subjekata razvrstanih prema Standardnoj klasifikaciji djelatnosti u Federaciji BiH i 194 aktivnih samostalnih radnji koji su obrađeni od strane porezne uprave Doboj Istok..

Posmatrajući broj zaposlenih po pojedinim privrednim subjektima, uzimajući samo aktivna pravna lica prema FIA-i, ovom analizom je obuhvaćeno 54 mikro preduzeća i 39 malih i srednjih preduzeća (MS). Kod 194 registrovanih samostalnih radnji zaposleno je oko 369 radnika.

Posmatrajući sumaran pregled ukupne zaposlenosti i privrede i vanprivrede i radnika koji rade u drugim općinama upoređujući 2023. i 2022. godinu, a prema podacima Kantonalne privredne komore Tuzla možemo konstatovati stepen rasta ukupne zaposlenosti za 1,45% ($2.667 \times 100 / 2.629 = 101,45$) ili u nominalnom iznosu za 38 zaposlena (2667-2629) i smanjenje nezaposlenosti za 5,44% ($1686 \times 100 / 1783 = 94,56\%$) Ako poredimo stepen zaposlenosti u privredi kod pravnih i fizičkih lica (samostalnih radnji) evidentan je porast zaposlenosti kod pravnih lica za 2,87% ($1040 \times 100 / 1011 = 102,87\%$) i pad zaposlenosti kod samostalnih radnji za 1,60% ili u nominalnom iznosu za 6 radnika.

Ukupan broj radnika u vanprivredi je oko 550. Po našim procjenama ostali dio radnika je zaposleno u drugim općinama, Armiji BiH i inostranstvu.

Prema izvještaju Federalnog zavoda za statistiku ukupna nezaposlenost završno sa decembrom 2023 godine je 1.686 radnika evidentiranih u Službama za zapošljavanje.

Prema dostupnim podacima iz bilansa stanja za 2023. godinu možemo konstatovati da se vrijednost imovine pravnih lica registrovanih na području naše općine u blagom smanjenju od 1,11 % u odnosu na 2022. godinu.

Ukupan broj obrađenih MSV preduzeća od strane FIA u 2023 godini je 93. Ukupni prihodi (MSV) preduzeća u 2023 godini iznose 150.357.765 KM. Najveće učešće u ukupnim приходima imaju Prihodi od ugovora sa kupcima u iznosu od 142.206.129 KM ili u procentualnom iznosu 94,58% i Ostali prihodi i dobiti sa 8.151.636 KM ili 5,42%.

Ukupnim troškovima (MSV) preduzeća u 2023 godini iznose 132.883.850 KM. Gledajući strukturu najveće učešće imaju Poslovni rashodi sa 98,71% ($131.177.197 \times 100 / 132.883.850$), te ostali rashodi i gubici sa 1,28% ($1.706.653 \times 100 / 132.883.850$).

Ukupan broj obrađenih mikro, malih i srednjih preduzeća od strane FIA u 2023 godini je 93.

U općini Doboj Istok u 2023. godini ukupno je registrovano 194 samostalnih radnje sa oko 369 zaposlenih. Kod poslovanja samostalnih radnji u 2023. godini evidentno je povećanje i ukupnog prihoda za 485.723,10 KM ($12.368.901,36 - 11.883.178,26$) ili 4,09% i povećanje ukupnih troškova za 180.609,34 KM ($10.341.779,38 - 10.161.170,04$) ili 1,78% u odnosu na prethodnu godinu.

Sve analize razvojnih potencijala općine Doboj Istok, kako u sadašnjem tako i u narednom periodu, poljoprivrednu proizvodnju kao razvojni potencijal stavljaju kao prioritet. Takva razmišljanja se temelje na iskustvima nama sličnih područja, zatim na postojećim agroekološkim uslovima, navikama

stanovništva i na dosadašnjim rezultatima postignutim u ovoj oblasti, te na ukupnom stanju privrede u kome se ona nalazi u ovom trenutku.

Naime, obnavljanje industrijske proizvodnje iziskuje velika sredstva i traži duži vremenski period. Pokretanje ili obnavljanje proizvodnje u oblasti poljoprivrede moguće je za kraće vrijeme i uz znatno manja ulaganja, jer zemljište kao osnovni proizvodni resurs već postoji i njegovo stavljanje u funkciju moguće je na različite načine.

Općina Doboj Istok ima povoljne geografske karakteristike, klimatske uslove, te prirodne resurse za razvoj poljoprivrede (uzgoj voća i povrća) i stočarstva, naročito za proizvodnju mlijeka i peradarstvo. Od ukupnog zemljišta (2.667ha), obradivo zemljište čini 93,55% (2.495ha), od čega je 74,75% (1.865ha) oranica, 15,63% (390ha) pašnjaka, dok je pod voćnjacima 9,62% (240ha) obradivog zemljišta. Velika površina oranica predstavlja velik potencijal za razvoj biljne i ratarske proizvodnje koja je neophodna za proizvodnju sirovinske osnove za razvoj stočarstva. Radi se o usitnjenim posjedima koja služe poljoprivrednicima da obradom svojih posjeda zadovolje svoje potrebe a tržne viškove prodaju lokalnim zadrugama i lokalnim pijacama. Veliki podstrek razvoju poljoprivrede čine novčani podsticaji u poljoprivredi iz budžeta općina, kantona i Federacije BiH. Zaključno sa 2023 godinom u federalnom registru poljoprivrednih gospodarstava iz općine Doboj Istok registrovano je 796 poljoprivrednih gospodarstava od čega je 755 aktivnih poljoprivrednih gospodarstava (PPG) u 2023 godini i 41 poljoprivrednih gazdinstava kao poljoprivrednih obrta.

Prema zvaničnim podacima Uprave za indirektno oporezivanje i Privredne komore TK općina Doboj Istok po uvozu i izvozu u 2023. godini bilježi veći uvoz u odnosu na izvoz pri čemu je negativan saldo robne razmjene. Evidentno je smanjenje izvoza za 3,69% u odnosu na 2022 godinu i povećanje uvoza za 6,72% uzimajući u odnos 2022/2021 godinu.

Pokrivenost uvoza izvozom u općini Doboj Istok iznosi 56,31% tako da naša općina u ovom segmentu nalazi se nešto niže od nivoa prosjeka Federacije BiH (56,57%). U ukupnom uvozu u Federaciji BiH općina Doboj Istok učestvuje sa 0,14% , a u izvozu sa 0,14% .

Općina Doboj Istok trenutno nema resurse da razvija oblike masovnog turizma, pa je njena turistička ponuda usmjerena na oblike selektivnog turizma. Turizam u općini Doboj Istok je u prvoj fazi razvoja. Neokrnjena priroda, agro-turizam, manifestacije i različiti događaji, vjerski turizam, lovački i ribolovni turizam, njegovanje tradicije i običaja kraja u kojem živimo, gastronomija, njegovanje starih i tradicionalnih zanata postali su značajan turistički resurs u turističkoj ponudi općine Doboj Istok. U zadnje vrijeme je evidentna je sve veća zainteresovanost privatnih obiteljskih gazdinstava za ove oblike seoskog ruralnog turizma.

Obrazovanje

Predškolsko obrazovanje na području općine Doboj Istok se odvija u J.U. za predškolski odgoj učenika „Dječija radost“ sa sjedištem u Brijesnici Maloj i jedini je registrovani vrtić na području Općine. Broj djece obuhvaćen predškolskim odgojem bilježi rast posmatrajući zadnjih pet godina.

Na području općine Doboj Istok djeluju dvije osnovne škole, OŠ “Brijesnica Velika” sa područnom školom u Brijesnici Maloj i OŠ “Klokotnica” sapodručnim školama u zaseoku Habibovići i Stanić Rijeci. Broj učenika u školskoj 2023/24 školskoj godini iznosio 862, što je manje ili pad broja osnovnoškolaca za 2,82% u odnosu na prošlu godinu. U 2023/2024 bilo je ukupno 48 odjeljenja sa 83 nastavnika. Broj učenika na 1000 stanovnika je bio 89.

Pored osnovnih škola na području općine Doboj Istok djeluje i Mješovita srednja škola Doboj Istok smještena u Brijesnici Velikoj koja realizira nastavu za 266 učenika što je za 7,64% manje u odnosu na 2022 godinu u 20 odjeljenja sa 24 nastavnika. U školskoj 2023/24 Mješovita srednja škola Doboj Istok obrazovala je slijedeće profile: gimnazijalce, ekonomske tehničare, prehrambene tehničare, elektro tehničare, vozače motornih vozila, prodavače i krojače.

Zdravstvo

JZU Dom zdravlja Doboj Istok je jedina javna zdravstvena ustanova na području općine Doboj Istok, koja pruža primarnu zdravstvenu zaštitu i konsultativno-specijalističku zdravstvenu zaštitu i prevenciju i promociju zdravstvene zaštite.

Polazeći od Zakonom o zdravstvenoj zaštiti utvrđene i registrovane djelatnosti, menadžment i zaposlenici JZU Dom zdravlja Doboj Istok su svoju aktivnost usmjerili na ostvarivanje sljedećih ciljeva: ranootkrivanje, sprečavanje i suzbijanje uzroka oboljenja i povrijeđivanja; sudjelovanje u podizanju i održavanju psihofizičke i zdravstvene sposobnosti radnika; brigu za očuvanje zdravlja i liječenje svih članova porodice; provođenje mjera zdravstvene zaštite i brigu o zdravstvenom stanju i unaprijeđenju zdravlja učenika, omladine, studenata kao i brigu o zdravstvenom stanju građana starijih od 65 godina, invalida i drugih osoba; zdravstvenu zaštitu specifičnih i nespecifičnih plućnih oboljenja; praćenje higijensko-epidemiološke situacije u životnoj i radnoj okolini uz poduzimanje potrebnih preventivnih mjera, a jedan od prioritetnih zadataka je sprječavanje i suzbijanje pojave zaraznih bolesti. Opština Doboj Istok jedna je od rijetkih opština koja ima veći broj osiguranika nego stanovnika i to iz razloga jer se kod nas liječe i lica iz povratničkih mjesta: Suho Polje, Svjetlića, Hodžići pa čak i Grapska.

Socijalna zaštita

Socijalna zaštita stanovništva na području općine Doboj Istok ostvaruje se kroz rad JU Centar za socijalni rad Doboj Istok, čiji je osnivač i finansijer Općina. Broj korisnika Centra za socijalni rad po dostupnim vidovima pomoći je u konstantnom rastu. Strukturu korisnika socijalne pomoći čine nezaposlene osobe, stara i iznemogla lica, penzioneri, bolesne osobe, demobilisani borci, djeca bez staranja i ostale ranjive grupe.

Kultura i sport

Na području općine Doboj Istok djeluje Sportski savez koji objedinjuje 11 klubova: NK Doboj Istok, Klokotnica, NK Mladost Brijesnica, STK Spin, Atletski klub Doboj Istok, Karate klub Doboj Istok, Kajak kano klub Doboj Istok, Rukometni klub Index, Šahovski klub Doboj Istok, Školu nogometa „Di faye“, Školu fudbala „Lilium“ i Brazilska džiu džica u Lukavica Rijeci. Broj sportista se povećava svake godine, a u 2023. godini bilo je aktivnih 478 sportaša, za 1,70 više nego 2022. godine (470). Od sportske infrastrukture općina Doboj Istok posjeduje: Fudbalsko igralište NK Doboj Istok na lokalitetu Luke u Klokotnici, Fudbalsko igralište NK Mladost na lokaciji Čarbina u Brijesnici Velikoj, fiskulturnu salu u Brijesnici Velikoj, fiskulturnu salu u Klokotnici. U toku je izgradnja sportske dvorane u Brijesnici Maloj te početak izgradnje sportske sale u Stanić Rijeci. Općina Doboj Istok posjeduje sportske poligone u Brijesnici Maloj, Brijesnici Velikoj, Klokotnici, Stanić Rijeci i Lukavica Rijeci, koja zadovoljava potrebe korisnika. Ipak, sportsku infrastrukturu je potrebno prilagoditi djeci sa posebnim potrebama i stepenom invaliditeta.

Općina Doboj Istok nema razvijene kulturne sadržaje. Kulturom se bave samo šest Udruženja građana i to: BZK „Preporod“ Doboj Istok, BZK „Lipe“ Klokotnica, KUD „2 JUNI“ Stanić Rijeka i KUD „Zijad Alibašić“ Brijesnica Mala, UG „Art Leptir“ i novonastala EMC Sinfonija. Ukupan broj članova u ovim Udruženjima je oko 160 osoba pretežno mlađeg uzrasta. U sklopu aktivnosti kulturnih institucija, organizacija, udruženja realizovane su manifestacije koje njeguju istorijsko naslijeđe kroz običaje, igru i pjesmu a među njima su najzačajnije: Internacionalna smotra folklor „Spreča“, Smotra folklor 2 juna u Stanić Rijeci, Književni susreti Kasima Derakovića, Internacionalna smotra folklor Brijesnica Mala, Izložba domaćih tradicionalnih rukotvorina i gastro ponuda domaćih jela od strane Udruženja žena Doboj Istok, književne večeri, izložbe slika, itd.

Putna infrastruktura

Općina Doboj Istok, posmatrano u odnosu na površinu, ima relativno dobru i gustu mrežu puteva u dužini od 120 km, u koji ulazi magistralni put M4, regionalni put Klokotnica-Lukavica, lokalni nekategorisani putevi, i veliki broj puteva koji imaju tu funkciju ali nisu prevedeni u javna dobra. Na općini Doboj Istok ukupno je asfaltirano 42 km kategorisanih lokalnih puteva od ukupno 73 km uz finansijsko učešće građana 50% od ukupne vrijednosti. Treba napomenuti da su gotovo svi važniji putni pravci kroz naseljena mjesta asfaltirani i da novih zahtjeva od građana skoro da i nema.

Vodosnadbjevanje

Općina Doboj Istok je u cjelosti pokrivena centralnim vodosnadbijevanjem sa tri zasebno odvojena sistema:

1. Sistem Klokotnica-pokriva MZ Klokotnicu, MZ Lukavica Rijeku i dopunjava sistem u MZ Stanić Rijeci (Arteški bunar „Johovak“, PS Rezervoar Frkati, PS Rezervoar Frkati 1, PS Salkići, PS Stanić Rijeka)
2. Sistem Brijesnica Velika - pokriva MZ Brijesnica Velika (Arteški bunar „Lučica“, PS Rezervoar Kapetanija, PS rezervoar Gaj)
3. Sistem Brijesnica Mala - pokriva MZ Brijesnica Mala (Arteški bunar „Luke“)

Ukupna dužina vodovodne mreže je 70,43km i nije se mijenjala u posmatranom vremenskom periodu (2015-2021). Sa prva dva sistema upravlja JKP „Čisto“, snabdijevajući pitkom vodom 2680 domaćinstva i 106 privredna subjekta, dok sistemom u Brijesnici Maloj upravlja MZ Brijesnica Mala snabdijevajući oko 530 domaćinstava i 50 privrednih subjekata vodom za piće. Osim ovih glavnih sistema u općini Doboj Istok postoji još oko 30 lokalnih vodovoda kojima upravljaju grupe građana.

Kanalizaciona mreža

Jedan od prioritetnih projekata u općini Doboj Istok je izgradnja kanalizacione mreže. Općina Doboj Istok je 2005. godine uradila glavni izvedbeni projekat fekalne kanalizacije za sve četiri mjesne zajednice. Prema glavnim izvedbenim projektima pojedinačno za svaku mjesnu zajednicu planirana je izgradnja primarne mreže, sekundarne mreže i postrojenja za prečišćavanje voda. Ukupna vrijednost ovog projekta je oko osam miliona KM, po glavnim izvedbenim projektima, međutim rastom cijena repromaterijala i opreme ovaj projekat bi koštao danas oko 15 miliona konvertibilnih maraka. Izgradnja je planirana u nekoliko faza na duži vremenski period. U 2002. godini urađen je glavni vod u Klokotnici u dužini od 4,1 km (PE kanalizacione cijevi DN 315 mm, s= 7,7 mm u dužini od 3000 m i PE kanalizacione cijevi DN 400 mm, s= 9,8 mm u dužini od 1100 m). Dio urađene kanalizacije je dio primarne mreže, odnosno dio glavnog voda u Klokotnici i on nije u funkciji za stanovništvo. Nakon spajanja kolektora i prečištača na glavni vod, čije su lokacije projektima određene, isti će biti stavljen u funkciju.

U budućem periodu općina planira izgradnju sekundarne mreže kao II faze čime bi se otvorile veće mogućnosti sufinansiranja ovog projekta djelom iz vlastitih sredstava, a dijelom iz vanjskih izvora. U narednom periodu planirana je izgradnja sekundarne mreže u Klokotnici i izgradnja glavnog voda u Brijesnici Velikoj. Obzirom da se radi o ekološki važnom projektu jedan dio će obezbijediti iz kreditnih sredstava na duži rok sa kamatnom stopom do 1,5%, manji dio sredstava može se obezbijediti od donatora, dok općina planira da vlastita sredstva obezbijedi naplatom priključka na kanizacionu mrežu, naplatom taksi na kanalizaciju, i preusmjeravanje sredstava kojim su dosad bili realizovani drugi projekti (putevi, osvjjetljenja) obzirom da su projekti te vrste u dovoljnoj mjeri realizovani. Po realizaciji ovog projekta koji se planira graditi u fazama, završene i tehnički ispravne dionice kanizacione mreže će se dati JKP „Čisto“ na upravljanje.

Upravljanje otpadom

Odvozom smeća i krutog otpada sa područja općine Doboj Istok bavi se JKP „ČISTO“. Općina nema vlastitu deponiju, a kao privremena deponija koristi se deponija u Gradu Doboju. Odvoz smeća je organizovan na čitavoj teritoriji općine, broj sklopljenih ugovora sa domaćinstvima u kontinuitetu raste. U pogledu upravljanja otpadom Odlukom općinskog vijeća na 15. Redovnoj sjednici održanoj dana 31.03.2022. godine usvojen je Plan upravljanja otpadom za period 2022-2026 godina. Naplativost usluga preuzimanja i odvoza otpada je u 2023. godini 78 %. Veliki problem predstavljaju divlje deponije koje se nalaze pored lokalnih puteva, vrtača i šumskog zemljišta. Ministarstvo prostornog uređenja je u zadnjih nekoliko godina finansiralo sanaciju divljih deponija ali pošto se nalaze pored lokalnih putnih pravaca one se javljaju svake godine.

U budućem periodu općina Doboj Istok u saradnji sa JKP Čistom namjerava uvesti selekciju otpada u centrima naselja, školama, javnim ustanovama i preduzećima. Pogodnost za taj projekat je u tome što se u neposrednoj blizini naše općine nalazi firma koja otkupljuje selektovani otpad.

Elektrifikacija

Sva naselja općine Doboj Istok su snabdjevena električnom energijom, a 2012. godine unaprijeđen je kvalitet napajanja električnom energijom za 3.600 domaćinstava izgradnjom i montiranjem pokretne 110 kw trafostanice. Pored ove stanice u općini Doboj Istok su instalisane 52 transformatorske stanice kapaciteta 10(20)/0,4 kV. Implementacijom ovog projekta smanjeni su kvarovi na kućanskim aparatima za 50% kao i gubici na industrijskim postrojenjima za 20%. Porastom broja privrednih subjekata te rastom njihovih kapaciteta od strane Općinskog vijeća pokrenuta je inicijativa za izgradnjom stacionirane trafostanice većeg kapaciteta na čijoj se implementacijiradi, a koja će osigurati kvalitetno snadbijevanje električnom energijom za sljedećih 20 godina.

Energetska efikasnost

U zadnjih nekoliko godina veliku pažnju posvećujemo projektima unapređenja energetske efikasnosti na javnim zgradama i objektima a koji se odnose na utopljanje i toplifikacija zgrada, izgradnju obnovljivih izvora zagrijavanja, zamjena ulične rasvjete štedljivim sijalicama itd.

U cilju unapređenja energetske efikasnosti javnih zgrada i objekata u općini Doboj Istok u periodu 2014-2019. godina realizovali smo nekoliko projekta iz ove oblasti: Prelaz na LED rasvjetu centra Klokotnica finansiranu od strane MPUIZO TK gdje smo ostvarili uštedu na električnoj energiji za 30% na tom lokalitetu; Rekonstrukcija rasvjete ispred zgrade općine LED sijalicama; Utopljanje stiropolom zgrade JU Mješovite srednje škole u Brijesnici Velikoj, kojim su se ostvarile uštede na grijanju za 25%; Rekonstrukcija, proširenje i utopljanje područne škole u Stanić Rijeci; Rekonstrukcija, proširenje i utopljanje stiropolom područne škole u Brijesnici Maloj; Zamjena krova, zamjena stolarije, utopljanje stiropolom centralne osnovne škole u Klokotnici; Utopljanje područne škole Dolić u Klokotnici; Izgradnja i utopljanje stiropolom područne škole u Lukavica Rijeci; Utopljanje stiropolom Doma kulture u Klokotnici. Osim toga putem privatne inicijative do 2023 godine na području općine Doboj Istok izgrađeno je 8 solarnih elektrana do 150 kw.

U 2024 godini implementiran je projekat rekonstrukcije javne ulične rasvjete prelaskom na LED rasvjetu nabavkom i ugradnjom Urbino Led sijalica (600 komada) jačine min 36w/740, IP66, 390lm, 4000K, sa podesivim uglom ili ekvivalent prema sljedećim karakteristikama:

- snaga minimum 36w
- napon 220-240 v
- visina minim 120mm
- širina min 110 mm
- dužina min 407 mm
- temperatura boje min 4000K

Kvalitet zraka

Na osnovu prikupljenih podataka od pokretne stanice za mjerenje kvalitete zraka od strane Ministarstvo prostornog uređenja i zaštite okoliša TK utvrđeno je da dnevne koncentracije azotdioksida (NO₂) i ugljenmonoksida (CO) nisu prelazile granične i tolerantne vrijednosti utvrđene Pravilnikom o načinu vršenja monotoringa kvalitete zraka i definiranju vrstu zagađujućih materija, graničnih vrijednosti i drugih standarda kvalitet zraka (Službene novine FBiH, broj 01/12). Dok su koncentracije sumpordioksida (SO₂) prelazile dva dana pomenute vrijednosti, koncentracije sumpordioksida (SO₂), azot oksida (NO₂), i ozona (O₃) nisu prelazile vrijednosti za epizode pripravnosti, upozorenja i uzbune utvrđene Planom interventnih mjera u slučajevima prekomjernog zagađenja zraka.

Strateški pravci razvoja

Strateški plan lokalnog razvoja općine Doboj Istok za period 2021-2027 godine usvojen je na 10. Redovnoj sjednici Općinskog vijeća održane dana 28.10.2021 godine („Službene novine općine Doboj

Istok“ broj 4/21). Strategija je ključni strateško-planski dokument općine, koji treba da podstiče buduću rast i razvoj zajednice kroz oblasti društvenog, ekonomskog i sferu zaštite životne sredine, poštujući prostorni plan općine. Strateški plan lokalnog razvoja 2021-2027 je izradio Općinski tim za lokalni razvoj, u saradnji sa Partnerskom grupom i uz tehničku podršku UNDP.

Prilikom izrade Strategije vodilo se posebno računa o tzv. horizontalnoj i vertikalnoj usklađenosti Strategije sa planskim dokumentima na višim nivoima. Naročita pažnja je posvećena onim oblastima i pitanjima koja se međusobno snažno isprepliću, a neodvojivi su dio koncepta održivog razvoja, prije svega pitanja bolje uključenosti osjetljivih društvenih grupa, te uvažavanja aspekta ravnopravnosti polova.

Vizijom i strateškim ciljevima oblikuju se namjeravana konkurentna pozicija, u kojoj je ugrađen princip stvaranja i održavanja konkurentne prednosti, i zajednička perspektiva, u kojoj je ugrađen princip održivosti.

Članovi ORT-a su se složili da je vizijom Općine Doboj Istok kao optimističkom slikom budućnosti razvoja općine Doboj Istok 2021-2027 bude uključen princip stvaranja i održavanja konkurentne prednosti. Vizija glasi: **Ekološki čista, poduzetnički atraktivna i društveno dinamična sredina sa osjećajem ugodnog i zdravog življenja**

Iz strateških fokusa, urađene SWOT analize, vizije razvoja definisana su tri strateška cilja uvažavajući navedeni period.

Strateški ciljevi, sa indikatorima

Strateški ciljevi predstavljaju prvu transformaciju vizije razvoja. Definirani ciljevi imaju uporište u strateškim fokusima kao finalnom rezultatu provedene situacione analize i SWOT analizi. Tako zasnovanim i definiranim strateškim ciljevima ocrtavaju se glavni dugoročni pravci i očekivani dometi transformacije općine Doboj Istok kao cjeline.

Definisani strateški ciljevi su:

1. Razvijen ambijent za privredni razvoj
2. Razvijen društveni život na području općine
3. Izgrađena i ekonomski održiva javna infrastruktura i unapređeno stanje okoliša

Strateški cilj 1. Razvijen ambijent za privredni razvoj

Strateški cilj odnosi se na unapređenje poduzetničke infrastrukture, prvenstveno otklanjanje prepreka u daljoj uspostavi poslovnih zona te njihovom postupnom uvođenju u namjenu kao zaokruženih prostornih cjelina za koncentrisano obavljanje prioriternih privrednih djelatnosti. Također, za bolje zagovaranje interesa privrede i privrednika u sistemu planiranja lokalnog razvoja, neophodno je nastaviti sa aktivnostima uspostave udruženja poslodavaca, ali i obrtnika ove općine, kao i snažnijom saradnjom općine i privrednika. U oblasti poljoprivrede, u općini koja je dominantno poljoprivredni kraj, neophodna je implementacija različitih mjera poticanja poljoprivrede, a posebno formiranja poljoprivredne zadruge. Svim ovim intervencijama usmjerenim na podršku razvoju poduzetništva uz aktivnosti na unapređenju poslovnog ambijenta, doprinijelo bi se približavanju općine Doboj Istok ostvarenju navedenog strateškog cilja i vizije razvoja.

Strateški cilj 2. Razvijen društveni život na području općine

U kontekstu društvene infrastrukture u proteklom periodu u narednom periodu implementacije strategije fokus je usmjeren na dalju izgradnju i uređenje društvene i komunalne - cestovne infrastrukture, uređenje javnih površina i njihovu zaštitu, a u skladu sa finansijskim mogućnostima dalju izgradnju i unapređenje obrazovne infrastrukture. Ovaj cilj se, također, odnosi na unapređenje rada institucija civilnog i nevladinog sektora.

U uslovima ograničenih budžetskih sredstava, sa jedne strane, te postojanja i otvaranja novih domaćih i međunarodnih fondova, sa druge strane, jačanje kapaciteta za koordinaciju razvojnih aktivnosti putem Jedinice za upravljanje razvojnih aktivnosti je primarni korak koji općina treba realizirati kako bi se stekli uslovi da se razvoj općine vodi na koherentan i sistemski način. Time će se, pored fokusiranja na realizaciju strateških prioriteta, energija usmjeriti i na namicanje vanjskih izvora sredstava kako bi se

doprinijelo implementaciji strateških intervencija i ostvarenju razvojnih prioriteta Općine. Strateški cilj, pored jačanja koordiniranog i sistemskog upravljanja razvojem, usmjeren je i na jačanje kapaciteta i saradnje općine i drugih aktera javnog, civilnog i nevladinog sektora.

Strateški cilj 3. Izgrađena i ekonomski održiva javna infrastruktura i unapređeno stanje okoliša

Strateški cilj se odnosi na unapređenja u oblasti komunalnih usluga i stanja životne sredine kao i sigurnosti građana (unapređenje sistema vodosnabdjevanja i izgradnje primarnog i sekundarnog sistema kanalizacije, izgradnju organizovnog sistema odvoza krutog i drugog otpada, dalju sanaciju divljih deponija i čišćenje vodotokova, i dr.). Imajući u vidu izloženost područja elementarnim nepogodama, strateški cilj se odnosi i na dalju sanaciju klizišta i drugih šteta uzrokovanih elementarnom nepogodom te provedbu preventivnih mjera od budućih elementarnih nepogoda, posebno jačanje kapaciteta Civilne zaštite.

Indikatori(uticaja) realizacije strateških ciljeva

STRATEŠKI CILJ 1	Indikator	Polazna vrijednost (2019.)	Ciljna vrijednost (2027.)
Razvijen ambijent za privredni razvoj	Ukupan broj nezaposlenih na području općine	348	500
	Broj privrednih subjekata na području općine (pravnih lica i obrtnika)	8	6
	Ukupni prihodi na nivou općine	2.503.386	2.000.000
STRATEŠKI CILJ 2	Indikator	Polazna vrijednost (2019.)	Ciljna vrijednost (2027.)
Razvijen društveni život na području općine	Broj sportskih i kulturnih manifestacija	32	40
	Broj stanovnika općine	9.879	10.372
	Stepen razvijenosti općine na nivou FBiH – rang	7	6
STRATEŠKI CILJ 3:	Indikator	Polazna vrijednost (2019.)	Ciljna vrijednost (2027.)
Izgrađena i ekonomski održiva javna infrastruktura i unapređeno stanje okoliša	Zadovoljstvo stanovništva komunalnom infrastrukturom na području općine	4	5
	Broj stanovnika ugroženih prirodnim i drugim katastrofama	3.000	1.500

Kako bi se osigurao visok stepen realizacije zacrtanih strateških ciljeva, definisan je i set **prioriteta** do 2027. godine koji pokrivaju sve oblasti od strateškog značaja za razvoj općine Doboj Istok. Prioriteti, programi i mjere predstavljaju ključna polja i smjerove djelovanja za ostvarenje vizije i strateških ciljeva i kao takvi imaju najveći uticaj na razvoj, odnosno ostvarenje strateških indikatora.

<p>Strateški cilj 1: Razvijen ambijent za privredni razvoj</p>	<ul style="list-style-type: none"> • Prioritet 1: Razvoj prerađivačkih kapaciteta, MSP i obrtništva • Prioritet 2: Podizanje konkurentnosti poljoprivrede
<p>Strateški cilj 2: Razvijen društveni život na području općine</p>	<ul style="list-style-type: none"> • Prioritet 1: Izgraditi i unaprijediti stanje društvene infrastrukture (obrazovanje, sport i kulturu) • Prioritet 2: Poboljšati zdravlje, sigurnost i socijalnu zaštitu građana • Prioritet 3: Jačanje kapaciteta lokalne uprave
<p>Strateški cilj 3: Izgrađena i ekonomski održiva javna infrastruktura i unapređeno stanje okoliša</p>	<ul style="list-style-type: none"> • Prioritet 1: Unaprijeđena komunalna i putna infrastruktura • Prioritet 2: Unaprijeđena energetska efikasnost i sistemi za korištenje obnovljivih izvora energije (OIE) • Prioritet 3: Smanjenje rizika od elementarnih nepogoda i drugih vrsta nesreća

Ključni strateški projekti

Na osnovu postavljenih prioriteta i mjera unutar tri strateška cilja, Općina Doboj Istok je identifikovala 7 ključna strateška projekta.

1) **„Uspostava poslovnih zona „Klokotnica-Stanić Rijeka“ i „Brijesnica Mala“ I faza.** Površina poslovnih zona je 28 ha i 13 ha, u privatnom vlasništvu a sama realizacija će se odvijati u nekoliko faza. Općina Doboj Istok ima veoma malo državnog zemljišta u svom posjedu. Kako bi podsticali privredni rast općina Doboj Istok i privredni subjekti su primorani da kupuju privatno zemljište i da formiranjem poslovnih zona omoguće proširenje proizvodnih i uslužnih kapaciteta zainteresovanim privrednim društvima i izvoznicima. Poslovna zona „Klokotnica-Stanić rijeka“ se nalazi pored auto puta Doboj-Tuzla, udaljena od planiranog 5C puta (Sarajevno – Doboj – Brod) 7 km, željezničke stanice 1,5 km aerodroma u Dubravama 57 km i do luke Brčko oko 80 km. U ovoj Poslovnoj zoni je trenutno locirano 6 privrednih subjekata a osigurana je snabdjevenost vode, struje, telefona i interneta. U ovoj zoni je planirana izgradnja proizvodnih kapaciteta. U 2023 i 2024 godini privredne kapacitete na ovoj lokaciji su započele još 3 firme iz oblasti održavanja i popravke motornih vozila, firma iz oblasti metalske industrije, te firma koja gradi benzinsku pumpu sa velikim skladišnim kapaciteta.. Poslovna zona „Brijesnica Mala“ se nalazi pored auto puta Doboj-Tuzla, udaljena od planiranog 5C puta (Sarajevno – Doboj – Brod) 10 km, željezničke stanice 4,5 km aerodroma u Dubravama 54 km i do luke Brčko oko 77 km. U ovoj Poslovnoj zoni je trenutno locirano 3 privredna subjekta a osigurana je snabdjevenost vode, struje, telefona i interneta. U ovoj zoni je planirana izgradnja prehrambeno-prerađivačkih kapaciteta. Na ovom lokalitetu su smješteni kapaciteti d.o.o Vegafruit. U 2025 godini planiramo nastavak izgradnje poslovnih zona svim zainteresovanim firmama i također postojećim firmama na širenju svojih proizvodnih i uslužnih kapaciteta.

2) **„Izgradnja fiskulturne sale u Osnovnoj školi Brijesnica Mala“** je prioritetan projekat jer je to jedina područna škola u općini Doboj Istok koja nema fiskulturnu salu za održavanje nastave tjelesnog odgoja. U saradnji općine i mjesne zajednice urađen je projekat izgradnje i određena je lokacija zemljišta na kojoj će se graditi objekat. Fiskulturna sala će se nalaziti u neposrednoj blizini osnovne škole u Brijesnici Maloj a osim korištenja za tjelesni odgoj učenika ova fiskulturna sala će se koristiti za sportske i

kulturno umjetničke potrebe lokalnog stanovništva a to su: organizovanje kulturnih manifestacija, organizovanje sportskih turnira, organizovanje raznih izložbi i umjetničkih kolonija, organizovanje muzičkih koncerata, iznajmljivanje sale za sportske klubove i rekreativce. Finansiranje ovog objekta je planirano iz vlastitih i eksternih izvora. U 2023 godini urađena je III faza izgradnje fiskulturne dvorane u Brijesnici Maloj u iznosu od 177.776 KM iz sredstava općinskog budžeta i federalnog ministarstva za raseljena i izbjegla lica.

U 2024 godini implementirana je IV faza opremanja sportske dvorane u MZ Brijesnica Mala u iznosu od 287.190,00 KM

Prema našem planu razvoja završne faze izgradnje ove fiskulturne dvorane smo planirali u 2025 godini

3) „**Formiranje BKC općine Doboj Istok**“ je projekat od katalitičkog značaja jer će biti centar sjedišta svih sportskih klubova, organizacija i udruženja koja se bave kulturom. Osim toga u posebne prostorije BKC se planira formiranje općinske biblioteke i po mogućnosti formiranje radio stanice općine Doboj Istok. Finansiranje ovog projekta se planira iz vlastitih i tuđih sredstava po omjeru 50%:50%.

U 2023 i 2024 godini urađena je faza I i faza II na ovom projektu a u 2025 godini planirana je nabavka opreme za planirane sadržaje.

U 2024 godini implementirana je faza II na ovom projektu u iznosu od 150.696 KM a koji se odnosio na građevinsko zanatske radove, elektro radove i hidroinstalacije.

4) „**Izgradnja porodične ambulante u Lukavica Rijeci**“. U općini Doboj Istok sve porodične ambulante su zasebne cjeline osim ambulante u Lukavica Rijeci koja je u sastavu lokalnog Doma kulture. Na inicijativu građana MZ Lukavica Rijeka kupljeno je zemljište i pokrenute su aktivnosti na gradnji zasebne porodične ambulante po standardima Ministarstva zdravstva TK. Zdravstvene usluge bi koristilo oko 1100 građana ove rubne mjesne zajednice. Ovaj projekat bi finansirali iz sredstava budžeta (100,000 KM) i uz učešće Vlade TK (150,000 KM). Ukupna vrijednost projekta je 250.000 KM.

U 2024 godini implementirana je III faza izgradnje ove porodične ambulante u vrijednosti od 282.013 KM Nastavak izgradnje završnih faza na ovom objektu planiramo u 2025 godini.

5) „**Izgradnja kanalizacije u općini Doboj Istok**“. Općina Doboj Istok je skup ruralnih naselja i nema izgrađenu kanalizacionu mrežu. Otpadne vode se ispuštaju u septičke jame, i manje vodotokove, i predstavljaju veliki problem zbog potrošnje velike količine vode koja uzrokuje zagađenje okoline i pojavu klizišta na različitim lokalitetima. Općina Doboj Istok je 2011 godine uradila glavni projekat izgradnje kanalizacije zasebno za svaku mjesnu zajednicu. Finansiranje ovog projekta bi bilo i iz vlastitih (500,000 KM) i međunarodnih sredstava (1,500,000 KM), a ukupna vrijednost projekta je 2,000,000 KM.

U 2024 godini provedena je javna nabavka Izgradnje fekalane kanalizacije za naselje Brijesnica Velika, kolektor L=2057 m a intezivnije radove očekujemo u 2025 godini.

6) **Izgradnja vodovodne infrastrukture**

Općina Doboj Istok je u cjelosti pokrivena vodovodnom mrežom. Vodovodni system je izgrađen od tri zasebno odvojena sistema (Sistem u Klokotnici koji snadbijeva vodom MZ Lukavica Rijeku i MZ Stanić Rijeku, system Brijesnica Velika I system Brijesnica Mala). Sva tri sistema snadbijevaju oko 3250 domaćinstava i oko 180 privrednih subjekata. Osim ovih glavnih sistema u općini Doboj Istok postoji još oko 30 lokalnih vodovoda kojima upravljaju grupe građana.

Ukupna dužina vodovodne mreže je 70,43 kilometra. U 2024 godini da bi povećali brži protok vode i smanjili troškove električne struje na potisnim pumpama izgrađeni su potisni vodovi od bunara Johovak do rezervoara Zimar.

U 2025 godini planiramo izgradnju rezervoara V=400 m³ na lokalitetu Frkati i tim putem bi za duži rok obezbjedili kvalitetno snadbijevanje vodom za piće.

7) „Izgradnja lokalnih puteva u općini Doboj Istok“ .Putna infrastruktura u općini Doboj Istok je izgrađena u svim mjesnim zajednicama u dužini od 120 km uključujući auto put Doboj Tuzla, regionalni put Klokotnica-Lukavica (općina Gračanica) te lokalni kategorisani i nekategorisani putevi.

je projekat od strateškog značaja za direktno povezivanje općine i MZ Lukavica Rijeka, a koja se dosad saobraćala preko općine Gračanica. Realizacijom ovog projekta stvoriće se uslovi za kraći promet ljudi i dobara. Izgradnjom ove dionice puta stvoriće se povoljni uslovi za stambenu izgradnju na ovoj trasi puta. Finasniranje projekta od 200.000 KM je predviđeno iz vlastitih i eksternih izvora kroz omjer 40%:60%.

U 2024 godini implementiran je projekar rekonstrukcije puteva u MZ Klokotnica I uređenje kanala kod kuće Ferida Škrebe, te rekonstrukcija lokalnog puta Čil u Brijesnici Velikoj u vrijednosti od 270.000 KM, te asvaltiranje lokalnog puta Aščići , MZ Brijesnica Mala u dužini od 560 m.

U period 2025-2027 planiramo nastavak izgradnje i rekonstrukcije lokalnih puteva prema prioritetima utvrđenih planom javnih nabavki.

7) „Sanacija klizišta Haskići MZ Stanić Rijeka“. Naselje Haskići se nalazi u sjevernom dijelu MZ Stanić Rijeka uz lokalnu putnu komunikaciju Stanić Rijeka-Hodžići. Naselje sadrži 16 stambenih objekata, gdje je 16 porodica sa 64 stanovnika. Smješteno je na padini koja ima generalni nagib oko 150 (S-J), između dva potoka, bujičastog karaktera, koja iz pravca sjevera teku dalje prema rijeci Spreči. Gotovo cjelokupan prostor naselja zahvaćen je klizištima koja su u toj mjeri oštetila navedenu putnu komunikaciju u dužini, od oko 300 metara, da je na mjestima gotovo neprohodna. Isto tako ugrožena je stabilnost gotovo svih objekata u naselju, kao i postojeće vodovodne i elektro niskonaponske mreže. Finasniranje projekta od 150.000 KM je predviđeno iz vlastitih i eksternih izvora koji su planirani da se realiziraju kroz omjer 30.000 KM vlastiti izvori i 120.000 KM eksterni izvori finansiranja.

U 2024 godini realizovali smo dijelom klizište na lokalitetu puta u Haskićima i okolnim kućama koje su najugroženije. Nastavak sanacije ovog lokaliteta planiramo u 2025 i 2026 godini.

Indikativan finansijski okvir za planirane projekte za period 2025-2027

Realizacija planiranih prioriteta, mjera i strateških projekata za period od 2024.-2026. godine finansirati će se kombinacijom budžetskih sredstava općine Doboj Istok kao i sredstvima viših nivoa vlasti, međunarodnih donatorskih organizacija u BiH te vanbudžetskim sredstvima.

Općina Doboj Istok je Akcionim planom za realizaciju mjera i strateških projekata iz Strategije razvoja Tuzlanskog kantona za period 2021-2027 g planirala je sredstva u iznosu od **8.522.000,00 KM** od čega budžetska sredstva iznose **2.334.500,00 KM** a sredstva vanjskih izvora u iznosu od **6.187.500,00 KM** a za 2025. godinu planirano je **3.402.000. KM** od čega budžetska sredstva iznose **1.361.500. KM**, ostali vanjski izvori u iznosu od **2.040.500 KM**.

Prilog : Akcioni plan razvoja 2025-2027

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKI NAČELNIK

Broj: 01-11-124/24

Datum: 14.10. 2024. godine



OPĆINSKI NAČELNIK,
Kemal Bratić